

小倉山房文集

小倉山房文集卷十六

錢唐袁枚子才

與湖北巡撫莊公書

古聖人迅雷風烈必變所以然者非不修儆于平時也  
借天變以加惕焉則無之焉而不順日者明公有意外  
譴又有意外恩是亦聖人必變時也其將狼天而自足  
欺抑將翼翼修省而有采于野人之言歟大學稱知止  
而後有定是定之不難而知之難也若無所知而先定  
則其定愈甚而其知愈蔽其過愈深夫子教顏回克己  
王子敬譏孔明未能忘己兩賢之已豈尋常私欲之已  
哉其或有小小束修之意氣是卽已也是卽所當克當

忘者也。古之人非水火則兵農弊弊然以天下爲事。非  
好其名也。適逢其所當爲者耳。巡撫之所當爲莫如察  
吏以安民而立功垂名不與焉。何也。一吏之不察必有  
數十萬人不安者。十吏之不察必有數千萬人不安者。  
以數千萬人之未安而爲巡撫者方且增倉儲浚河渠  
改棘闢以爲吾勤大勲以施于烝彝鼎。氓之蚩蚩笑且  
詬曰。吾儕朝不保暮而何儲倉穀爲。吾儕怨氣壅塞而  
何通水路爲。目擊士林汨喪而何修試院爲。宜祝而詎  
宜喜而怒非民之無良也。緩急不稱故也。且此數者非  
財不辦。今天下之至不足者財也。財不足而強爲之勢  
必有勸捐勒罰之舉。捐罰一行而不察之吏因緣爲姦。

然公勇于自信故違物情而持之愈堅卒以罰朱聿事  
受譴譴亦何足爲公累也譴而宜乃累公矣使公仍在  
吳僕未敢言或六月暫息又不必言今幸而忽仆忽起  
如覩之見風定不終日以小人之心度君子之腹恐公  
益自信所守真可以歷夷險經大故而不動從此孤行  
一意立功名愈勇察吏愈疎再一失足不深負遭逢而  
爲奸已者所戚乎昔張曲江居憂奪情秉政富鄭公居  
憂五微不起公此時不師富公師張公必非得已然卽  
此可以見天下義理之無窮而執持之難定也伏願公  
先致知而后誠意先察吏而后立功知果致則意自誠  
矣吏果察則功自立矣孫興公稱劉尹云居官無官之

事作事無事之心宋神宗與韓維論及功名維曰聖人功名因事始見不可先有此心此二語者所見俱超願公察之許趙兩公均以公故得罪今首事者還朝附和者未起似宜引罪辭位以召復兩人爲請在兩人果君子同其退不同其進可也而公居上臨下之道不如是則心不安日後用人亦難得力貧賤之交蕭閒之筆故敢布其腹心

書札後

前書成托岳水軒寄公水軒曰子所言公固知之毋庸寄也余答之曰子非公安知公之業已知之也公非我安能怪我之不知其業已知之也雖然所貴乎知之者

爲其能行之也。知而不行。故疑其猶未知也。而喋喋焉。夫知而不行。是知如不知也。吾雖言焉。又安知其非言。如不言乎。然而吾之心。卒不能已。予言者何哉。以爲吾若言其所未知耶。恐彼非不能知也。或不屑知也。持其所不屑知者而強之知。是吾過矣。若果言其所已知耶。彼必以爲所當知而知之也。而吾取其所當知者而使。之重知。則縱不行已耳。而吾何傷于言哉。而又安知其必不行哉。水軒曰。然乃卒寄之。

上兩江制府黃太保書

嘗聞天子有諍臣而不聞督撫有諍吏者何也。蓋忤天子旨。天子卽以忤旨罪之。雖得罪而所以被罪之故。天下共知。好名之士或優爲之。忤督撫。意督撫不能以忤意罪之。必摭別事。方登白簡。雖得罪而所以被罪之故。天下不知。好名之士亦不肯爲。況以明公之威重視天下。才若踞泰岱而臨邱陵。較諍諍尋常。督撫更有難焉。然枚一乞病吏耳。公獨勤勤咨詢。豈非知其難而欲聞所未聞耶。伏見公撫甘肅時。

天子命公提兵勦邊。公毅然不動。封還詔書。卒至邊民大安。此公之以識量抗天子也。鄂西林當國人多

目。懾。之。公。以。一。總。兵。官。獨。不。爲。屈。此。公。之。以。氣。節。抗。宰。相。也。夫。公。之。識。量。氣。節。可。以。抗。天。子。宰。相。而。人。之。進。言。乃。不。敢。抗。一。制。府。此。亦。公。所。深。悲。而。日。以。已。之。所。能。者。望。天。下。也。然。則。公。來。江。南。三。年。矣。未。嘗。鷹。鷂。毛。擊。而。民。怨。未。嘗。彈。劾。貶。竄。而。官。愁。未。嘗。偏。聽。喜。事。而。武。弁。放。紛。未。嘗。鬻。獄。賣。爵。而。幕。府。受。謗。是。誠。何。故。哉。夫。本。無。愛。民。憂。國。之。心。而。悖。于。行。事。以。傳。于。此。名。者。勢。之。無。可。奈。何。者。也。實。有。愛。民。憂。國。之。心。而。忘。其。流。弊。以。傳。于。此。名。者。事。之。立。可。改。移。而。豪。傑。旁。觀。之。所。深。惜。者。也。竊。以。爲。公。之。度。可。以。得。小。人。不。可。以。得。君。子。公。之。威。可。以。治。邊。防。不。可。以。治。中。土。公。之。察。事。明。於。遠。而。暗。於。近。公。之。敬。



君知其小而忘其大是數者不可不察也夫黜陟賞罰  
先王治世之大權也先王有治世之大權足以制天下  
矣然必推心置腹以要之笙簧酒醴以文之委曲繁重  
若是者何哉孔子曰賢者避色孟子曰禮貌衰則去之  
古之君子雖君父前尚爭此區區者以爲重其身而後  
道可行也况同食天祿同供天位者乎夫南面而臨能  
薦人能劾人此天子之所托于督撫者也若夫剔剔之  
奴叱之斜視而唾涕之此非天子所托於督撫者也在  
公以爲不輕劾一官不輕誅一吏惟于聲音笑貌故爲  
峻厲使人憚而不敢爲非殊不知彼小人耶劾之非刻  
而辱之何足以爲懲彼君子耶薦之非恩而慢之徒足

以爲怪。天下固有受千金而不感得一言而馳驅者。又有見微色而深恥受刑罰而恬然者。人之不齊或相什百。或相千萬。故先王以禮貌待君子。以爵賞勵中才。以刑戮加小人。猶懼勿給也。明公乃欲以區區之聲色取天下之智愚。賢不肖而一例陶鎔之。先推之于廉恥。以外而後置之。于腹心以內。不已過乎。一切大府出巡舟車。厨傳之飾。僚采入謁。磬折趨拜之爲。皆吏治之末節。臧獲之能事也。人之精神必無兩用。惻惻無華者。必不能供張儲侍奔走捷給者。必不能愷悌宜民。公之獎許。往往在彼而不在此。故曰。可以得小人。不可以得君子也。公治西川。又治甘肅。皆邊地也。苗夷相隣。機貴神速。

故耳目宜周。肅下將校。緘悉必報。非得已也。若南民柔  
弱。無所用之。明公偵事。委之武弁。武弁受委託之兵丁。  
此輩不知是非。實固有賞。虛亦無罪。朝匱一投。暮符立。  
下。東馳西突。所在騷擾。在公以爲仍付有司。鞫訊然後。  
裁之以法。當無頗戾。不知督撫之威。有雷霆萬鈞之勢。  
從空而下。訊詳拘解。逐層核轉。縱或深明無罪。立釋頌。  
繫而被訪之人。已棄產破家。而不可救。萬一委訊官人。  
本傾危以有事爲榮。以深文爲技。妄控揣公意。張口輒。  
曰。大人。調察寧有誤哉。其幕客亦曰。縱十事九虛。亦須。  
坐實一二。爲制府光顏。在公澄剔之苦心。爲小人迎合。  
之捷徑。豈不可惜。夫州縣屈法。有公可申訴也。公屈法。

誰北走長安以申訴乎而兵丁者習慣于刺探經營于  
恫喝勢必相引爲曹挾持有司文武交惡詩曰無縱詭  
隨以謹懼恠又曰無易由言言不可逝矣言誤聽詭隨  
之言政令一發便不可挽故曰公之威可以治邊防不  
可以治中土也遠莫遠于僚案之家庭近莫近于明公  
之左右今屬吏床第詬誶公能知之文牒宣揚及至衙  
前之散從養馬之健兒諛詞不法而公不知所過州縣  
掉鞮叫呼在公不過一榻之安一飯之適而乘高勢而  
爲邪者如雲而起易稱威如之吉反身之謂也言自治  
貴嚴也今反其道而爲之故曰公之察事明于遠而暗  
于近也 主上南巡所治橋梁山川原許開除正供何

必門微戶罰况

詔書重疊惟恐累民而公故欲反之

以爲心知微旨君行制而臣行意非所以待堯舜也公之言曰南民狡獪無忠愛之心故一大創之不知忠愛者民之油然自生者也非可以威力取也然而望君之來江南人心未必不如公公正不妨鼓舞以成其美今聞紳士設綵棚經壇公聽之可止之亦可乃嚴拘爲首將置之法及紳士懼而星散又大逆公意而牽持洵洵公之心以爲彼紳士者當捆載而來爲有司者當拒絕而去陰用其費而陽不受其名然後天子不知而其道兩便也然紳士旣欲獻媚于天子必不肯捐費于無名之地天子尚不肯累百姓又豈肯加罪於獻

媚。之。人。此。理。之。易。明。者。也。彼。納。手。坐。而。禍。至。醵。錢。効。忠。而。禍。又。至。進。退。倨。倨。其。能。無。怨。乎。古。人。先。庚。先。甲。革。言。三。就。皆。所。以。帥。民。趨。事。也。公。于。迎。鑾。大。典。而。無。匪。怒。伊。教。之。思。故。曰。公。之。敬。君。知。其。小。而。忘。其。大。也。以。上。四。者。皆。公。之。過。而。無。人。敢。言。者。也。枚。之。意。公。當。行。者。蓋。不。在。是。焉。其。一。曰。遵。定。制。以。肅。官。方。夫。屬。吏。見。督。撫。會。典。甚。明。府。以。上。法。不。當。跪。道。州。縣。以。上。法。不。當。自。唱。名。先。王。制。州。縣。卑。其。職。而。不。卑。其。禮。者。何。也。卑。其。職。所。以。使。民。親。也。不。卑。其。禮。所。以。防。民。輕。也。公。何。不。體。此。意。敬。士。尊。賢。其。不。法。者。劾。之。不。使。跪。拜。營。求。而。得。免。曰。爾。固。得。罪。于。天。子。百。姓。也。非。得。罪。于。我。也。其。賢。者。薦。之。亦。不。使。感。

恩曰爾固有益于天子百姓也非有益于我也如是則  
正人出人才得矣其一曰總大綱以扶政體朝廷官職  
各有攸司丞尉之權縣不可侵州縣之權府不可侵苟  
非其人寧劾去之官果冗寧奏裁之禮尊不親小事卑  
不施大功今宰牛捕博之事動煩公訪過矣枚聞雷霆  
之威不輕擊人然一旦虺虺而下未有能跪而求免者  
公之訪漕也檄張七縣及其終也不劾一官使七縣不  
當訪而訪爲失明矣當劾而不劾爲失刑矣疑者曰是  
何若蒿火之暴怒而無繼也黠者曰是公之用詐也公  
明知七縣漕政之不善而利其多費以辦供張恐其不  
喻意也故威脅之又恐御史之糾之也故先爲訪案以

待奏對地步。非真欲剔其姦也。在公未必有此意。而形跡固已如是。可不戒哉。其一曰遠僉壬以停羅織夫官之爭名。猶商之爭利也。善爲商者不居奇貨。則物價不騰。人心亦靜。不善爲商者挾奇邪譎觚。以來則街巷聚觀矣。公一則曰振作。再則曰鋒利。于是在位者莫不嚴乎。如有急色。兩祛高蹶。而張之曰某賦功某屬役某熏一豪某速一訟。及考其實。雖尋常簿書尚茫如也。要知事果當爲君子。雖日行數百端。必不肯煩稱于上。以炫其才。今之事未行而言先至者。公亦可知其故矣。有事然後可藉端求見。求見然後有言。可陳有言可陳。然後有恩可與其同寅僚友。往往互相攻發。以求見悅于公。



而代其位。又憚公之明而難欺也。故司馬謀太守之位。必假別駕以擠之。縣丞謀州縣之位。必假簿尉以擠之。何也使公之不疑也。然公之不疑而去其一用其一。則固已墮其術中而不悟。公亦知樹荆棘者徒受其刺。樹桃李者終飲其甘乎。舉錯之間。救宜慎也。其一曰去權術而歸至誠。公之盱衡厲色呵官吏而忤朝貴者。豈公之性哉。蓋公之術也。從來英明之君。惡人沽名尤惡人立黨。主上之英明冠百代者也。公知之深矣。務在孤行一意。時時爲率作興事。毫無顧忌之狀。使官民詛我。詈我而我之不好名也明矣。內而九卿六曹外而撫司提鎮。從不以寒暄相接。使人人矚目相視。齊其口都無。

好語則我之絕攀援而無黨也。又明矣。縱有過失難免。彈射而一托之于招怨有素使。天子若曰黃某者孤立之臣也。彼只知有君耳。愚民憎之同列忌之。是寧足相排。竿耶。愈毀之乃益所以深譽之。久而人人知其毀之無益。則亦不復有以蜚語上聞者矣。公數十年來得主之專。未必不由于此。古大臣則不然。不求名亦不避名。不與人爲同。亦不與人爲異。周官註所云和載六德。容包六行者。公何不勉而進焉。伏念公官官保尚書。子作監司。年屆六旬。天子之恩可爲極矣。人臣之榮可謂至矣。自此以往。雖爵上公。加袞服於公。亦何加增哉。惟願公聲名流千萬歲。揖讓于古大臣。間而不以挾術。

固。寵。自。足。則。于。枚。所。傾。盡。陳。說。者。或。不。無。采。取。焉。死。罪。

答陶觀察問乞病書

公不察僕去官之意謂如枚乘汲長孺曾待詔金馬門故恥爲令又謂僕擢秦郵牧不遷褊心不能無少望有所激而逃是二者皆非知僕者也夫蒙恥救民昔人所尚牧之與令奚足區別漢人五十舉秀才未名爲老僕纔三十三前途正長敢遽賦士不遇以退哉凡人有能有不能而官有可久與不可久卽以漢循吏論桐鄉渤海專城而居此官之可久者也龔遂朱邑能之至于久道化行生榮而死哀京兆三輔多豪強兼供張儲侍此官之不可久者也趙廣漢韓延壽能之久果不善其終江寧類古京兆民事少供張儲侍多民事僕所能也供

張儲侍僕所不能也。今強以爲能，抑而行之，已四年矣。譬如渥洼之馬，滇南之象，雖舞於床，蹲於朝，而約束勉強，常有跖蹠泛駕之虞。性好晏起，於百事無悞。自來會城，俾夜作晝，每起得聞鷄鳴，以爲大祥，竊自念曰：苦吾身以爲吾民，吾心甘焉。爾今之昧宵昏而犯霜露者，不過臺叅耳，迎送耳，爲大官作奴耳。彼數百萬待治之民，猶鼯鼯熟睡而不知也。於是身往而心不隨，且行且愠，而孰知西迎者又東，誤矣。全具者又缺，供矣。怵人之先者已落人之後矣。不踣膝奔竄，便瞪目受噴。及至日昃始歸，而環轅而號者，老弱萬計。爭來牽衣，忍不秉燭坐判，使寧家耶？判畢入內，簿領山積，又敢不加朱墨，闔閭

一過吾目耶甫脫衣息而驛券報某官至某所則又遽然覺鑿然行一月中失饔飲節違高堂定省者旦旦然矣而還暇課農巡鄉如古循吏之云乎哉且一邑之所入有限而一官之所供無窮供而善則報最在是供而不善則下考在是僕平生以智自全得不小小俯仰同異然而久之情見勢屈非逼取其不肖之心而喪所守必大招夫違俗之累而禍厥身及今故宜早爲計也若得十室之邑肆心廣意絃歌先王之道以治民則雖爲游徼嗇夫必泰而安之終身焉今有乘怒驥而馳炎衢者雖黃育必優息于樹陰之下夫僕亦優怠之遲者也公母見怪也

再答陶觀察書

嘗謂功業報國文章亦報國而文章之著作爲尤難掖之進知已勸其退亦知已而勸退之成全爲尤大公疑僕祿有餘贏故欲退居以自怡似又非知僕者僕進有事在退有事在未必退閒于進且所謂以文章報國者非必如貞符典引刻意頌謏而已但使有鴻麗辨達之作踔絕古今使人稱某朝文有某氏則亦未必非邦家之光僕官赤緊以來每過書肆如渴驥見泉身未往而心已赴得少休焉重尋故物或未干賢者之譏乎若謂上游矜寵方盛故宜緩去則不知僕之所以欲去乃正爲此何也官之不能無去猶人之不能無死也死亦何

福之有而洪範以考終命爲福則聖人之意也。深人之  
親有如伯叔妻子兄弟者乎。所狎近有如戚友僚從者  
乎。之數人者他事可與謀而惟出處之際宜獨斷焉。先  
乞身而後告焉。何也。之數人者皆受居官之樂而不分  
任職之苦者也。唐相蕭嵩求去明皇留之曰。朕未厭卿  
卿何求去。嵩曰。待陛下厭臣。臣安敢求去。僕讀史至此  
深慕嵩之爲人。僕蒙大吏薦剡。百姓知感脫然去上。或  
留之下。或惜之人。非去之爲難。去而取此留之惜之之  
意爲難。以其間交倉庫辭吏民身閒而慮周時乎。時乎  
有餘味焉。馬伏波云。居前不能令人輕。居後不能令人  
軒。援實恥之言。士君子貴以身關天下之重輕也。今漢



在官官未必重去官官未必輕州縣中豈遽少僕哉非  
特州縣也就令僕一歲九遷驟膺公卿之位自問何以  
立功何以報主亦復捫心納手未知所措事君者量而  
後入不入而後量漆雕開不能自信夫子不知而開獨  
知之僕之不能自信亦公所不知而僕自知之也夫是  
故知難而退也若夫僕之所自信者則固有在矣周官  
三百六十謂非其人莫任者今無有也唐宋來幾家文  
字非其人莫任者誠有之矣僕幼學徐庾韓柳之文及  
三唐人詩每搖筆覺此境非難到苦學植少讓古人之  
我先覲焉以早達爲悔行且就去將從事焉盡其才而  
後止不比立功名束手而聽之天也舍得爲不爲當可

去。不。去。公。其。謂。我。何。

答和觀察書

郵遞中接公手書讀三過殷然以天下爲已任數年來  
得此於上游極寡第書中稱德爲貴才爲賤是說也狂  
夫阻之公而不以天下爲已任也則廢才可矣公而以  
天下爲已任也則天下事何一非才所爲乎忠于君德  
也而所以忠之者才也孝于親德也而所以孝之者才  
也孝而愚忠而愚才之不存而德亦亡古以天地人爲  
三才天之才見於風霆地之才見於生物人之才極於  
參贊其大者爲聖賢爲豪傑其小者爲農夫爲工匠百  
畝之田人所同也或食九人或食五人而才見焉治墮  
之事人所同也爲燕之鑄爲秦之廬而才見焉使農一

日不食人工。一日不成器。則子不能養其父。弟不能養其兄。而顧囂囂然曰。吾有德。吾有德。其誰信之。孔子論成人。以勇藝居先。而以思義授命者次之。論士。以使於四方。不辱君命者居先。而以稱孝稱弟者次之。曰。高陽氏有才子八人。曰。才難。曰。如有周公之才之美。若是乎才之重也。降至戰國縱橫變詐。似才之爲禍尤烈。故孟子起而辨之。曰。若夫爲不善。非其才之罪也。孟子之意。以爲能視者目之才也。雖察秋毫不足爲目病。而非禮之視。非其才之罪也。能食者口之才也。雖辨淄澠不足爲口病。而非禮之食。非其才之罪也。若因其視非禮而必矐目。而盲之。食非禮而必鉗口。而噤之。是則罪才。殘

才。之。說。而。非。孔。孟。意。矣。嘲。之。三。篇。曰。斯。馬。斯。才。馬。尚。非。  
才。不。可。而。況。于。人。今。天。下。非。無。德。也。然。而。有。所。謂。偽。德。  
非。無。才。也。然。而。有。所。謂。偽。才。公。與。其。貴。此。而。賤。彼。也。毋。  
寧。兩。辨。而。求。其。真。枚。謹。覆。

與吳令某論罰鍰書

漢張敞以三輔穀貴請民入粟贖罪蕭望之等以爲粟可贖罪是貧富異情而法不一也爭之甚力考其時張敞寬民罪以活民非取民財以利已然望之以爲事常權其輕重不宜以苟且計損萬世法今聞足下治吳郡凡富人有過輒煅煉拘繫之逼令出家財佐公費一日之間凡六七輩此大不可也冉有曰旣庶矣又何加焉孔子曰富之孟子曰易其田疇薄其稅歛民可使富也古之聖賢求貧民之富今之有司求富民之貧不知富民者貧民之母也其能施與者無論矣縱紈綺奢未嘗不病於已而利於民也被綺穀食珍羞而鬻販者利

婚喪僭侈好歌舞博奕而方外雜技與肩摩背負者利  
今使之畏首畏尾動觸機阱富民累貧民傷矣說者曰  
爲富不仁熾嗇傲上致其罪罰其鍰足以傲之夫爲富  
不仁陽貨爲作吏者言之也非爲百姓言之也我不取  
之何以知其吝我不接之何以知其傲乎誠有罪焉是  
富人之恃財而爲惡也恃財者使之百萬其財而莫贖  
然後天下之爲富者懼若以財肆復以財免小富之人  
或傾其性命大富之人未損其毫毛設有狡獪豪猾捐  
一二年租爲罰費便可恣縱無所不至是罰鍰非禁惡  
也乃助惡也謝安曰陶公雖用法恒得法外意不知公  
之罰法外當是何意今夫貪吏之取贓也避其賓朋賂

篋暗投其羞惡之心猶然存也能吏之行罰也明日張  
胆持籌而算之其羞惡之心淡然忘矣彼富人者明知  
其意不在罪也一有風聞便賣貨鬻產治具而待削削  
棘槐不辨其罪之有無而但訴其家之有無勒增丐減  
形同賈販旁觀之士心竊鄙之上有好者下必有甚焉  
者矣在官則胥吏強索在鄉則無賴詐取自上下下相  
緣爲姦而況所罰者大半不出於告發而出於訪聞於  
是鈎距者誣陷者設局而羅織者朝稟乍入暮符已下  
官爲訟魁吏爲佐証所罰無幾而徒使中飽之人雲翔  
而四布荆棘滿眼殊覺寒心或曰罰鍰非入已也置之  
公所充公用耳審是則足下之爲此尤拙矣夫君子之



廉爲潔已也。小人之貪爲肥已也。今足下故入人罪以  
取利。其不爲君子也明矣。復不存之而以公同官是  
汚已而肥人。旣爲君子所悲重。爲小人所笑足下又何  
樂乎此。或曰。此大府意也。故不得不爾。是更不然。繩愆  
糾謬。方稱賢僚大府。果有罰緩之明文。君子尚宜抗詞  
而爭。今絕無明文。而以爲不師其令而師其意。一旦敗  
露爲上所知。恐大府今日借君以集事。未必異日不  
劾君以解謗。明者不可不察也。枚荅拜。

答任生書

邱生來接手書多所抗懷卓論文筆岸然有介而馳焉  
之意年少才健今之吳武陵也第稱許過當繩其美弗  
甚其過弱顏難以卒讀既又自解曰昔楊子太元高不  
儷荀管而門人侯芭以爲過周易則愛之者過焉僕遇  
生于淮倉卒以師命僕僕所不當得爲而覲然不以慚  
蓋有故矣夫師道之壞也韓子已昌言之而爾時以位  
卑足羞官盛近諛爲解是其人猶有潔然自好之意雖  
無師師道存也今之時惟百工伎藝能以其術相傳而  
弗涉于利其他衣冠縉紳率有所利其人而後以師奉  
之師亦有所利其人而後以弟子屬之其所謂講道明

義者百不一聞。是今之有師。不如唐之無師。師曰多道。曰壤。僕掛冠歸行。萬里儼然。在衰經之中。爵不足以榮。生財貨不足以潤。生聲氣門戶不足以利。生之豪末。今闖然而造門。藹然而進。詞徒以愛吾文故耳。然則吾之文。足以爲師與否。且勿具論。而生求師之不以利也。明甚。僕固宜受之以成生之高義。而因以存師道于萬一也。雖然。昔人謂實中其聲者。謂之端實。不中其聲者。謂之歟。又曰。君子有言。非苟顯其理。將以啟天下之方悟者。君子有爲。非苟行其志。將以引天下之方動者。生以文師僕。僕受之天下之人。未嘗見人如是其肯師人也。又未嘗見人如是其肯以師自任也。倘其實不中其聲。

而一蹈于黥則天下人方且廷生嗤生而師道又轉因  
生而廢僕故還山後誓不再出讀書運深湛之思將副  
生所以師僕之意而明其善擇師之未有過于生也使  
天下見之生聞謂何如

答衛太司空書

枚隸公屬下蒙訓儉以養廉引身相率意良厚也第平素讀書覽古所得者似與君子意旨有殊請聲之於左右公昔刺海州衣布含脫粟後居高位如故可謂不欺其志者然枚以爲公之所以率性者當在是所以自足與教人者當不在是孔子曰奢則不遜儉則固與其不遜也寧固是時卿大夫歌雍舞佾多不遜者故夫子有爲言之若子之服食起居鄉黨一書甚具蓋未嘗儉也考史管仲奢晏嬰儉皆君子元載奢盧杞儉皆小人然則君子小人之分不在奢與儉也明矣人之好尚不能盡同文王嗜菖蒲菹曾嗜羊棗天下之嗜菖蒲菹羊

聚者必不止。文王與曾點也。因文王曾點而菖蒲菹羊。聚特傳非菖蒲菹羊。聚之能傳文王曾點也。奢儉之適情亦猶食味之適口而已矣。雖然朝廷有體聖人有經不可以好尚異也。禮享宴肴饌弁帶革舄有公侯卿大夫士之別。本朝會典尤詳言之。先王豫知後之人必有奢以亂制儉以沽名者。故戒奢黜儉而一束之于禮。孔子曰非禮勿視非特奢于視者非禮也。其過儉之視亦非禮也。曰非禮勿聽非特奢于聽者非禮也。其過儉之聽亦非禮也。公爲大臣宜率天下歸于禮不宜率天下歸于儉。若積俸錢以遺所不知誰何之人而徒取朝廷倚賴之身而惡衣惡食以僂苦之是爲子孫計。貪

甚矣而何儉焉。若曰：非此恐清名不立，是爲好名計。貪甚矣而何儉焉。檀弓曰：國奢則示之以儉。今朝廷節用愛民，國未奢也，而公又何儉之示焉。本朝湯潛菴

陸稼書皆以儉名者也。然兩人之所以成名，公當深求之。勿貌襲之如敝車羸馬，皆可以爲湯陸。則凡食不厭精，膾不厭細者，亦皆可以爲孔子矣。夫不趨至樂之境，以貌襲孔子，乃趨至苦之境，以貌襲湯陸，擇術者不若是拙也。公巡撫廣西，劾謝濟世子並，劾濟世，枚以爲過矣。昔令尹子文、王猛、房杜皆賢相，其子皆不肖。當時不咎其父，謝雖迂怪，非中行之士。然當田文鏡、陸赫時，朝臣嘿嘿而謝爲三日御史，露章批鱗，卒戢窮邊，口無二

辭可不謂豪傑哉。有人如此，不爲之全其晚節，爲後世  
勸而使衰年縲綬填死牢戶，天下之人聞而悲之。以公  
所爲得毋奢于刑而儉于德乎？然則公之所奢，枚之所  
儉，蓋亦兩勉之而已。



與孔南溪太守書

僕在蘇二十餘日凡六見閣下每見則牽裾而不忍別  
置精饌以款之選笙歌以樂之分清俸以惠之忍老泪  
以送之未嘗見閣下肯如其待人也亦未嘗有人焉  
肯以閣下之待我者見待也不期其然而然身受者疑  
旁觀者亦疑不知天下之發于真性情而不容已者皆  
求其故而不得者也文王嗜菖蒲菖蒲菖蒲之味安在  
嵇康好鍛鍛之趣安在閣下好僕僕之當好者安在以  
爲重其同科乎則當今已未進士尚多也以爲重其文  
學乎則天下以詞章稱者無萬數也然而閣下何以捨  
他人而我好也所以然之故不特僕不知旁人不知卽

問之閣下閣下亦不知惟其不知所以發之誠而行之  
篤以天合不以人合其斯之謂歟且受知于道廣之人  
不足感而受知于量狹之人始足欣子張曰君子尊賢  
而容衆嘉善而矜不能得交子張安知其不在矜之容  
之例也矜之容之是以衆人待之也子夏曰其可者與  
之其不可者拒之得交于夏其爲所與而非所拒也明  
矣閣下千節廉隅秩秩見于面目今之子夏也僕得交  
焉幸矣閣下官吳下枚寓白下路不甚遠非不可見者  
閣下年六十二枚年五十九年不甚衰非不能見者然  
而臨別時閣下瞿瞿然以不再見爲虞此豈真不再見  
哉願見之心過切而未必見之心乃生蓋患得失于官

職則甚鄙。患得失于師友。則甚賢。昔陸放翁與范石湖  
晚年吳下。作別。輒失聲而慟。古之賢人。何獨不然。奉上  
留別詩六章。希省覽。不備。

小倉山房文集卷十七

錢唐袁枚子才

與清河宋觀察論繼嗣正名書

枚歸自蘇將公所稱子姪一體不必易名之意述之方  
公據云彛議婚時公會面宮保云某無子以公所定之  
婿卽某之子云云枚昔未任旁難身質言語退竊自思  
以爲合兩門公之好事至重也不願有纖芥抵牾致損  
和愛故將繼嗣正名之義爲明公詳說之謹按六經無  
姪字左氏曰姪其從姑雷次宗以爲謂吾姑者吾謂之  
姪故姪字從女漢疏受是疏廣兄子班史兩稱父子同  
日辭官不稱叔姪杜氏通典以爲小功無甥名周服無

姪名明公。徂俗稱而忘古義。固已慎矣。從來父母之與  
子。生與養並稱。而養功尤重。孔子曰。子生三年。然後免  
於父母之懷。詩曰。長我育我。顧我畜我。凡此所嘆。皆養  
功也。故周逸繼左。兒徐淑續秦祀。古人以養爲功。竟有  
立異姓而君子不以爲非者。明公兄嫂早卒。撫育兩孤。  
養功可謂重矣。年已服官。麟趾未育於此。續宗祀之重。  
而綿詩書之澤。立賢立長。誰曰不宜。且男子之慶。父母  
存也。女子之祥。舅姑在也。新婦纓笄。宵衣執醬而饋。葢  
生而學之。故嫁女者。動以尊章具慶爲榮。宮保遠宦。保  
陽聞宋氏有舅姑。則心安。無舅姑。則心不安。何也。嫁其  
亡兄之女。較嫁所生。尤當慎重。君子之用心。理宜如此。

古人崔盧李魏貴門第相符宮保身爲正卿當時締姻  
爲監司乎爲監司之兄一布衣乎此不待辨而知也今  
一旦游移其詞以爲稱子婦可稱姪婦亦可不特與求  
始初意相違而且以無定之親踈聽之於弱顏之新婦  
強親則諂強踈則悖爲新婦者難爲新婦母而教之者  
更難在公之意以爲存姪之名有子之實可也不知名  
之不存實將焉據使明公早正繼嗣之名猶慮他年賀  
喬生纂斥還賀率未必諸葛生瞻仍留伯松若復不肯  
正名如有所待則世俗之情驚惶必甚以爲不沾實惠  
之名字執之甚堅則將來通共之家資更難擬斷在明  
公行仁履禮必無虛此而長者爲行不使人疑心迹之

問質難遽白。枚以爲明公春秋鼎盛。遙助多人。就使日  
後子嗣振振。而此時先得長男。豈非盛事。况郎君秀出  
班行。爲戚里所噪。稱者乎。或慮長房長子。次房承立。爲  
嫌則尤不然。古有封建。故有大宗。今無封建。其所謂大  
宗者。皆小宗也。小宗議繼何分支庶。古人貴貴之禮。於  
宗祀尤重。故賤可祧。貴不可祧。士三鼎。大夫五鼎。祭以  
士。不如祭以大夫。公之兄。縱是長房。長子主祭。時尚當  
推公執爵。而况于公行爲長子。公族未必爲長父。非大  
宗子。非宗子。卽以俗論。不爲越繼。漢伏黯嗣伏恭。宋謝  
宏微嗣謝峻。唐杜正倫戴門等。各嗣兄子。爲子考之史  
書。雖不明言爲兄之長子。亦並不明言爲兄之次子。何

也均屬小宗。便不必分長子與次子也。本朝律文稱繼嗣者聽其立愛不許宗族以次序告爭尤爲明確。明公官居三品幾有奪宗之貴。兩子留一足祀其兄。仁至義盡。當無他說。若謂因婚方氏而立嫡似以榮勢爲嫌。則又不然。婚姻外戚也。立嫡族事也。兩者不相爲謀。使公與農氓爲婚。豈遂漠視三廟而不慮及身後之烝嘗耶。要知宋氏以宗廟爲重。不爲聯姻。顯官然後立宗。方氏以嫁女爲重。使配監司嫡子。才覺得所人情。天理彼此昭然。何嫌何疑。而有不決。再謂立嫡之後恐賢兄兩子互有猜心。則更不然。古人讓爵而逃及門無異姻者。章章史冊。是在兩子之賢與不賢。家訓之善與不善。不



在嫡嗣之立與不立也。枚忝周官媒氏之職。性不耐襍。於瑣細儀文。無能爲役。茲聞稱名議久不決。以爲非曉古今明經術者。不足以關俗人之口。而釋公之疑。故敢布露所懷。爲方氏者小。爲宋氏者大。

答蔣信夫論喪娶書

接來札爲婿持所生服有達權之請僕以爲婚與喪人生有數事也一有缺失則終身玷焉所以持之者無他上稽諸經中質諸史下考之本朝律文而已矣庶子持生母服經稍輕史或輕或重明律改爲斬衰遂大重而本朝因之其旣重之後勿論也其最輕時亦未有以婚聞者禮庶子服生母父在練冠麻衣旣葬而除此指諸侯之庶子也此卽孟子所謂雖加一日愈于已者是也諸侯爵尊故有降殺之禮若大夫士則遞加而重然爾時父子異宮諸侯雖尊猶使庶子居其室而遂焉君與正嫡不得以尊壓也彼側室貳宗者端可知矣周天

子喪穆后宴樂叔向譏之曰王一歲而有三年之喪二  
焉。夫。妻。喪。非。三。年。也。然。禮。必。三。年。後。娶。所。以。達。子。之。志  
也。父。尚。不。娶。而。況。於。其。子。乎。然。此。猶。云。妻。耳。非。妾。也。齊  
侯。使。晏。子。請。繼。室。於。晉。叔。向。辭。之。曰。寡。君。在。衰。經。之。中  
是。以。未。敢。請。時。晉。侯。喪。少。姜。姜。固。妾。也。叔。向。賢。者。豈。不  
知。士。妾。有。子。方。爲。之。總。諸。侯。已。絕。總。矣。乃。藉。以。辭。昏。況  
其。妾。所。生。之。子。乎。然。此。猶。考。諸。經。未。質。諸。史。也。晉。文。學  
王。藉。有。叔。母。服。未。一。月。納。吉。娶。妻。爲。劉。隗。所。彈。唐。建。中  
元。年。縣。主。將。嫁。供。齋。備。矣。而。襄。王。之。幼。女。卒。上。從。妹。也。  
上。命。改。期。曰。人。惜。其。費。我。愛。其。禮。古。期。功。之。喪。帝。王。之  
家。其。不。苟。如。此。蘇。子。瞻。宋。之。放。于。禮。者。也。然。其。爭。許。民

喪娶表曰臣不願使後世史書男子居父母喪得娶妻  
自元祐始明潘王佖焯惑於陰陽之說大祥乞爲弟妹  
嫁娶嘉靖寬命執問如律歷覽古昔喪娶之禁班班可  
考然經史之宜遵終不若律令之可畏也唐律喪娶者  
徒金章宗加以聽離本朝依明律定主婚者杖僕與  
足下以舐犢之情受朱木之困已堪齒冷而況人情愛  
其子女必爲之計久遠焉郎君讀書登科他日將立朝  
廷議大典禮而先使之蔑情干義抱終身之憂殊非所  
以爲愛也說者豈不曰蘇州喪娶民間有之爲人之所  
爲者人亦無訾焉然每見葱坊餅肆之氓髮且禿矣偶  
道其少時喪娶必頽顏而禁聲何也天良之天閼雖無

法律經書而此中怦怦終不安也說者又豈不曰以兩  
公之賢必無人敢持短長者不知禮義由賢者出惟我  
兩人賢也四方將于我乎觀禮倘觀禮而禮有違則人  
人乖其所望而詆媒者將更甚于邱里之庸庸者矣然  
則處禮之變爲萬不得已計奈何曰曾子問親迎女在  
途而婿之父母死如之何孔子曰女改服布深衣縞總  
以趨喪徐氏註云女改服者以婿親迎之故雖未成婚  
而婦之分已定故也不言此後所處意者女在婿家若  
今童婦除喪而後成婚此禮開元因之著爲令典今婿  
已來親迎矣小女已在途矣或倣而行之亦亡于禮者  
之禮乎吳下多儒者精通五禮足下何不將僕手書付

之駁議見覆幸甚

與江蘇巡撫莊公書

王荊公曰今州縣之災相屬民未病災也有治災之政  
出焉而民始病是言也向常疑之今春吳民來道明公  
治災有訪罰勸捐兩事方信荊公之不吾欺焉夫訪與  
罰不並行也元惡大憝交通主侯爲府縣所不敢發然  
後督撫訪之大都非誅卽徙矣若可以金贖者小罪也  
小罪而大府訪之若曰苦一人以活衆人云爾是殺人  
以養人也非政體也或其人竟有大罪而以荒故末減  
而罰之若曰寬一人以活衆人云爾是縱姦以養人也  
非政體也且訪豈可數行哉懸鏡以待照應敵之兵也  
妍媸長短罔勿呈焉操火以燭物挑戰之兵也彼靜我

勤常交曉而失之以巡撫之尊江南之大必不能龜卜  
籌算而知惡人也必假耳目焉所假者又有所假耳目  
焉然則其所訪者亦甚危矣周官大司徒以荒政救萬  
民其六曰安富富之安與不安似與荒政無與而先王  
慮之者何也夫物之不齊物之情也或相千百或相倍  
蓰雖三代上不能有富民無貧民洊饑之年悵者求者  
爭且奪者紛然四起不有以安之則貧者未必富而富  
者已先貧今不特不能安之且更擾之囂囂然曰而捐  
百而捐千而捐萬其能捐與不能捐雖隣里之近姻婭  
之密友朋之往來非指其困搜其私橐不能知也公乃  
高牙大旆崇轅深居而曰余既已知之矣其所謂知之



者大抵得之於府於縣於吏役於里胥而搜考之抑勒之逼而駭之拘苦而僇辱之彼其所得者祖父之遺也非公所賜也其若是何哉天災流行國家代有富民之免於死者天之所救也天救之而公不救亦已過也今三吳吏胥多怵憚癡心妄有所稱報民恫疑虛喝聞叩門聲便啼呼走匿公亦知天弟當養兄子當養父乎雖下愚不肖有不知此義者乎以此義之易知而加以在位者之督教宜若孝弟之人充衢塞巷焉今公治江南五年矣大江南北其子有餘財而不養父弟有餘財而不養兄者比比也公能家諭戶曉而強之乎夫以天經地義之事尚不能強而忽以博施濟衆堯舜猶病之事

強之於商賈負販之民其不樂從者情也聽其不從則  
法撓罪其不從則刑濫且吝嗇非罪也以老聃之賢鼠  
壤有餘蔬而棄妹以子夏之賢而不肯假蓋于孔子今  
以老聃子夏之所不能而責庸人爲大俠倖之甚矣孔  
子曰民可使由之不可使知之鄉里善人聞諸朝表其  
門間偶得一二故爲貴也今今日捐十石者予之旌捐  
百石者予之旌揭朽木而書金字者在城滿城在鄉滿  
鄉其虛誘之名富民知之矣其勒捐之實貧民又知之  
矣富民知之必不肯以無益之虛榮損室家之實惠貧  
民知之必謂爲富不仁上之所惡也劫而取之上將我  
寬勢必揭竿而起呼號成羣害之所至豈有底止古堯

洪湯旱無勸捐之名惟左傳載臧文仲有務穡勸分之說宋子罕儼國人粟戶一鍾魯之季氏隱民多取食焉當時圭田私邑豪富有餘故得行其豆區釜鍾之惠非今所可行也且使縉紳之家與主上操活民之柄亦非國家之利也然則訪與捐竟不可行乎曰訪宜行於亂世捐宜勸於豐年而今非其時也亂世上下相蒙豺狼當道嚴明之吏偶一爲之如天雄烏喙治奇疾也今吏治肅清無大豪是當公訪豐年富戶熙熙不知穀之可貴迎其機而導之爲義倉爲社倉尚可舉行然亦不過杯酒是諭鄉人是托而已至於量戶而計按畝而搜必如張巡之守睢陽臧洪之守陳留危亡在即去則齎

寇糧留則同歸于盡。然後涕泣行之以救旦夕。而人亦相諒。明公視今日之江南。豈其時乎。封他人之股以行孝。劫隣里之財以市恩。竊爲明公不取也。然則見民之饑而死爲之奈何。曰。今天子之賑饑。自堯舜以來未有之有也。公逢盛世。搽大權。夫復何憂。勸災寧早入告。寧實定數。宜寬糶。濟寧速撫綏。加賑多。其名留。養資送。廣其例。撥外省之豐者以濟之。擇有司之賢者以托之。周孔復生如是而止矣。

答沈大宗伯論詩書

先生謂浙詩謂沿宋習敗唐風者自樊榭爲厲階枚浙人也亦雅憎浙詩樊榭短於七古凡集中此體數典而已索索然寡真氣先生非之甚當然其近體清妙于近今少偶先生詩論粹然尚復何說然鄙意有未盡同者敗質之左右嘗謂詩有工拙而無今古自葛天氏之歌至今日皆有工有拙未必古人皆工今人皆拙卽三百篇中頗有未工不必學者不徒漢晉唐宋也今人詩有極工極宜學者亦不徒漢晉唐宋也然格律莫備於古學者宗師自有淵源至於性情遭際人人有我在焉不可貌古人而襲之畏古人而拘之也今之鶯花豈古之

鶯花乎然而不得謂今無鶯花也。今之絲竹豈古之絲竹乎。然而不得謂今無絲竹也。天籟一日不斷則人籟一日不絕。孟子曰：今之樂猶古之樂。樂卽詩也。唐人學漢魏變漢魏，宋學唐變唐，其變也非有心於變也。乃不得不變也。使不變則不足以爲唐，不足以爲宋也。子孫之貌莫不本於祖父，然變而美者有之，變而醜者有之。若必禁其不變，則雖造物有所不能。先生許唐人之變漢魏而獨不許宋人之變唐，惑也。且先生亦知唐人之自變其詩與宋人無與乎。初盛一變，中晚再變，至皮陸二家已浸淫乎宋氏矣。風會所趨，聰明所極，有不期其然而然者。故枚嘗謂變堯舜者湯武也，然學堯舜者莫

善於湯武莫不善於燕噲變唐詩者宋元也然學唐詩者莫善於宋元莫不善於明七子何也當變而變其相傳者心也當變而不變其拘守者迹也鸚鵡能言而不能得其所以言夫非以迹乎哉大抵古之人先讀書而後作詩後之人先立門戶而後作詩唐宋分界之說宋元無有明初亦無有成宏後始有之其時議禮講學皆立門戶以爲名高七子狃於此習遂皮傳盛唐搯掣自矜殊爲寡識然而牧齋之排之則又已甚何也七子未嘗無佳詩卽公安竟陵亦然使掩姓氏偶舉其詞未必牧齋不嘉與又或使七子湮沉無名則牧齋必搜訪而存之無疑也惟其有意於摩壘奪幟乃不暇平心公論

此亦門戶之見。先生不喜樊榭詩而選則存之所見過  
牧齋遠矣。至所云詩貴溫柔不可說盡又必關係人倫  
日用此數語有裏衣大袂氣象。僕口不敢非先生而心  
不敢是先生。何也。孔子之言戴經不足據也。惟論語爲  
足據。子曰可以興可以羣此指含畜者言之。如柏舟中  
谷是也。曰可以觀可以怨此指說盡者言之。如豔妻煽  
方處投畀豺虎之類是也。曰邇之事父遠之事君此詩  
之有關係者也。曰多識于鳥獸草木之名此詩之無關  
係者也。僕讀詩常折衷於孔子故持論不得不小異於  
先生計必不以爲惜。



再與沈大宗伯書

聞別裁中獨不選王次回詩以爲豔體不足垂教僕又疑焉夫關雎卽豔詩也以求淑女之故至于展轉反側使文王生于今遇先生危矣哉易曰一陰一陽之謂道又曰有夫婦然後有父子陰陽夫婦豔詩之祖也傳郭觚善言見女之情而臺閣生風其人君子也沈約事兩朝佞佛有綺語之讖其人小人也次回才藻豔絕阮亭集中時時竊之先生最尊阮亭不容都不考也選詩之道與作史同一代人才其應傳者皆宜列傳無庸拘見而狹取之宋人謂蔡瑛失節范史不當置列女中此陋說也夫列女者猶云女之列傳云爾非必貞烈之謂或

賢或才或關係國家皆可列傳猶之傳公卿不必盡死  
難也詩之奇平豔朴皆可采取亦不必盡莊語也杜少  
陵聖於詩者也豈屑爲王楊盧駱哉然尊四子以爲萬  
古江河矣黃山谷奧於詩者也豈屑爲楊劉哉然尊西  
崑以爲一朝邪郭矣宣尼至聖而亦取滄浪童子之詩  
所以然者非古人心虛往往舍己從人亦非古人愛博  
故意濫收之蓋實見夫詩之道大而遠如地之有八音  
天之有萬竅擇其善鳴者而賞其鳴足矣不必尊宮商  
而賤角羽進金石而棄絃匏也且夫古人成名各就其  
詣之所極原不必兼衆體而論詩者則不可不兼收之  
以相題之所宜卽以唐論廟堂典重沈宋所宜也使郊

島爲之則陋矣山水閒適王孟所宜也使溫李爲之則靡矣邊風塞雲名山古跡李杜所宜也使王孟爲之則薄矣撞萬石之鐘闔百韻之險韓孟所宜也使韋柳爲之則弱矣傷往悼來感時記事張王元白所宜也使錢劉爲之則仄矣題香襟當舞所絃工吹師低徊容與溫李冬郎所宜也使韓孟爲之則亢矣天地間不能一日無諸題則古今來不可一日無諸詩人學焉而各得其性之所近要在用其所長而藏已之所短則可護其所短而毀人之所長則不可豔詩宮體自是詩家一格孔子不刪鄭衛之詩而先生獨刪次回之詩不已過乎至於盧仝李賀險怪一流似亦不必攢斥兩家所祖從大

招天問來與易之龍戰詩之天妹同波異瀾非臆撰也  
一集中不特豔體宜收卽險體亦宜收然後詩之體備  
而選之道全謹以鄙意私於先生願與門下諸賢共詳  
之也

尊選明詩別裁有劉永錫行路難一首云雪漫漫  
今白曰寒天荆地棘行路難先生評只此數字抵  
人千百字異矣上句直襲荆柯傳之睡餘下句行  
路難三字卽題也永錫苦湊得天荆地棘四字耳  
三尺村童皆能爲之而先生登諸上選豪貴不解  
顧敎之

答施蘭垞論詩書

足下見僕答沈宗伯書不其宗唐以爲大是蒙辱讜言  
欲相與昌宋詩以立教嘻子之惑更甚於宗伯僕安得  
無言夫詩無所謂唐宋也唐宋者一代之國號耳與詩  
無與也詩者各人之性情耳與唐宋無與也若拘拘焉  
持唐宋以相敵是子之胸中有已亡之國號而無自得  
之性情於詩之本旨已失矣子與人歌而善必使反之  
而後和之其歌者爲齊人歟爲魯人歟孔子不知也其  
所歌者爲夏聲歟爲商聲歟孔子又不知也但曰善則  
愛之而和之聖人之和人歌聖人之教人學詩也雖然  
物必取其極盛者而稱之詩之稱唐猶曰宋之斤魯之

削云爾僕之不堪宗唐不欲逼天下之人盡遷居於宋於魯而後爲斤削也然宋斤魯削之善不可誣也子之不欲尊唐是欲逼居宋居魯之人遠適異國而後許其爲斤削也則好惡拂人之性矣是奚可哉來書云唐詩舊宋詩新更不然也夫新舊可以年代計乎一人之詩有某首新某首舊者一詩之中有某句新某句舊者新舊存乎其詩不存乎唐宋且子之所謂新舊僕亦知之前有人焉明堂奧房襜褕焉盛服而居後又有人焉明堂奧房襜褕焉盛服而居子慮其雷同而舊也將變而新之則宜更華其居更盛其服以相壓勝矣乃計不出此而忽簪居窟處衣昌披而服藍縷曰吾以爲新云爾

其果新乎抑雖新而不如其不新乎五尺之童皆能辨之楊子曰斲木爲棋梃木爲鞠皆有法焉唐人之法本乎漢晉宋人之法本乎三唐終宋之世無斥唐人者子忽欲尊宋而斥唐是率其子弟攻其父兄也恐詩未作而教先敗也已

答蘭垞第二書

來書極言唐詩之弊故以學宋爲解所陳諸弊僕不以病唐人乃以病吾子何也子亦知孔子之道歷萬世而無弊者乎然鄉之氓有學孔子者終日食不厭精膾不厭細人但呼爲飲食之人不呼爲孔子也是豈孔子之弊哉子之弊唐毋乃類是且弊有多寡學者當擇其寡者而趨之程朱講學陸王亦講學其于聖道互有是非然天下士多遵程朱少遵陸王故何也程朱流弊不過迂拘陸王之弊一再傳而姦猾竄焉其弊大故其教不昌唐詩之弊子旣知之矣宋詩之弊而子亦知之乎不依永故律亡不潤色故采晦又往往疊韵如蝦蟆繁聲



無理取鬧或使事太僻如生客闌入舉座寡懽其他禪障理障度詞替語皆日遠夫性情病此者近今吾浙爲尤雖瑜瑕不掩有可傳者存然西施之顰伯牛之癩固不如其勿顰勿癩也况非西施與伯牛乎說者曰黃河之水泥沙俱下才大者無訾焉不知所以然者正黃河之才小耳獨不見夫江海乎清瀾浮天纖塵不飛所有者萬怪百靈珊瑚木難黃金銀爲宮闕而已焉覩所謂泥沙者哉善學詩者當學江海勿學黃河然其要總在識作史者才學識缺一不可而識爲尤其道如射然弓矢學也運弓矢者才也有以領之使至乎當中之鵠而不病于旁穿側出者識也作詩有識則不徇人不矜已

不受古欺不爲習囿杜稱多師爲師書稱主善爲師自  
唐虞以來百千名家皆同源異流一以貫之者也何暇  
取唐宋國號而擾擾焉分界於胸中哉吾子亦先澄其  
識而已矣毋輕論詩

與盧轉運書

月之十七日陳生歸又三日公手書至道生操觚率爾  
不克受公恩并戒枚毋再薦士枚聞頗惑焉昔養由基  
善射百發百中識者猶慮不以善息致棄前功生之射  
才一發耳弓撥矢墜其以金注昏耶不然何命之窮也  
生誠竇人子器小邂逅不自珍以爲倚馬磨盾將以見  
才不知楊修敏捷作書賦彌月不獻王粲初征記他文  
未能稱是韓安國賦凡不成罰酒三升古之士不以此  
定賢否也夫公廨甚迫步韻甚難爲大儒握管甚鄭重  
生皆不知貿貿然不請閒不稟意旨而爲之其得棄絕  
之罪於門下也固宜雖然公之所以接士者枚尚有進

焉。今夫金之色豈止三品哉。統命之曰金而已。士之才豈止九等哉。統名之曰士而已。其爲良金與良士歟。夫人而知之也。其爲不純之金。不成之士歟。則將鎔其渣滓而加之。淬厲非大賢與。大治不能公。大賢也。陳生士之未成者也。其所以位置之者。當自有道矣。昔劉父以詩于韓杜溫。夫以文于柳父之陋。至於攫金杜之妄。至於用虛字不當。律令視二公如山嶽之與塵埃。然二公接之。不甚決絕。以爲天下士。惟享大名據高爵者足與治耳。若夫擔簦躡蹻之士。所歷不過窮巷。所望不過餬口。就有不及。則三熏三沐。非我其誰。暴摧折之。將傳笑四方。終身毀棄。且古之君子。惟薦人于朝爲至慎也。故

曰惟器與名不可以假人若夫區區之財如棄涕唾無甚關係已財且然而况順風吹噓借他人財爲豪舉者乎今天下郡無閒田田無餘夫故游民相率而爲士者勢也其利市三倍者惟商耳商行周官睦姻之義哀多益寡意良厚也明公居轉運之名要在轉其所當轉而不病商運其所當運而不病天下不必頭會箕歛知有商而已也亦不必置喜怒於其間以會計之餘權取天下士而榮辱之也枚嘗過王侯之門不見有士過制府中丞之門不見有士偶過公門士喁喁然以萬數豈王侯制府中丞之愛士皆不如公耶抑士之瞻公敬公師公仰望公果勝于王侯制府中丞耶靜言思之未嘗不

嘆士之窮而財之能聚人爲可悲也。當明公未來時，其所謂士者，或以勢干，或以事干，或以歌舞卜筮星巫燒煉之雜伎干。未聞有以詩干者。自公至，士爭以詩進。而東南之善聲韻者，六七年間亦頗得八九盛矣。哉大君子之轉移風氣固如是哉。然則使公或晉擢他去，誠恐詩之十倍陳生者亦未必一至門下。而何有于生。生遇公公，遇生誠兩不可再。而卒齟齬以窮媒勞恩絕。何耶。夫途本寬，則核之也宜嚴；徑愈狹，則收之也宜寬。如生者，徑之至狹者也。惟公能收之，而惜其不寬也。生休矣。恐生之外尚有其人，枚將終薦之以補公過枚謹覆。

答袁惠纘孝廉書

時。文。之。病。天。下。久。矣。欲。焚。之。者。豈。獨。吾。子。哉。雖。然。如。僕。者。焚。之。可。耳。吾。子。固。不。可。也。僕。科。第。早。又。無。衡。鑑。之。任。能。決。棄。之。率。也。足。下。未。成。進。士。不。可。棄。時。文。有。親。在。不。可。不。成。進。士。古。之。科。有。甲。乙。有。目。今。之。科。無。甲。乙。無。目。其。途。甚。隘。古。進。士。多。至。八。百。人。今。進。士。率。三。百。人。其。進。甚。難。以。至。難。之。術。而。就。至。狹。之。境。士。之。低。首。降。心。知。其。不。可。而。爲。之。者。勢。也。勢。非。聖。賢。豪。傑。之。所。能。免。也。知。勢。之。不。免。而。能。擇。其。本。末。緩。急。而。致。吾。力。焉。是。則。聖。賢。豪。傑。而。已。矣。且。子。之。捐。科。第。絕。時。文。將。以。蘄。乎。古。之。立。言。者。耶。夫。立。言。非。古。人。意。也。所。不。得。已。也。古。人。之。意。重。仕。

不重隱貴立德功不貴立言孔子述而不作爲季氏宰  
韓愈下筆大慚卒以詞賦進毛義捧檄爲親屈歐曾皆  
科第中人此其證也子觥觥有志氣果仕可以行所學  
羞當世之公卿其次官一鄉可以具魚菽養其親爲古  
循吏較夫踽踽囁呶矜不可必之傳者宜誰先焉就使  
入世難合退而求息然後積萬卷以成一家言其時非  
獨心閒而力專也旣已磨礪乎世事閱歷乎山川馴習  
夫海內之英豪則其耳目間見必不沾沾如今已也夫  
士有鄉黨自好之士文亦有鄉黨自好之文不可不察  
也僕幼學今古文兩無所就不得已專乎今者一年始  
成進士今雖棄今而專夫古者二十餘年終未敢自以



爲信也何也今人易悅古人難求故也足下未能乎其  
所易者而遽欲能乎其所難者僕亦未敢爲足下信也  
昔有未婚而憎其媒者或告之曰子之憎媒子之所以  
婚遲也子之婚遲媒之所以病子也子不能以憎媒故  
而勿婚則不如速婚焉而絕媒氏僕勸吾子勿絕時文  
乃正所以深絕之也

代劉景福上尹制府書

福觀古君子之于人才也有必用有必不用而其介于或用或不用者則未嘗不相其時勢之便與其人之緩急而進退之福待罪江南十餘年公不薦擢之亦勿劾去之似公之待福其亦在用與不用間乎然明知其必不用而妄求與明知其未必不用而不求是皆昧于君子用人之道者也福何敢然福以疎脫潛弁故免官捕得後例應復官恭逢 皇上南巡凡白衣領職如某某俱蒙奏留福聞之不覺殷殷其有望者何也十六年福辦治華山甚瘁司馬匹音樂甚費於今三年脯資竭矣內無戚里周給外無僚友牽挽舊長官中所恃者惟公

在公駕驅衆材呵叱惟命其不以一謫劣之禍置心中者情也在福閒居愁嘗無俚已極而不能不號呼於仁人之前者亦情也然使福去官非公罪則不敢求未復職不必求不逢虞巡盛典而無奏留之例又無可求今何時哉 六龍將來萬物懼噪凡在江南大小臣工莫不後先奔走儼然率作而興事下至執斲執鉞餘須扈養侏儒庖翟亦各奮其肘足伸襟揚眉爭効傾葵之志而福食 皇祿二十年覲 聖顏三四次反不能自比於輿臺之列側身於工匠之間衆裏嫌身能無閔嘆卽公之所以其難其慎而不肯輕用人者福亦深知其故矣才不足以供指麾不用不久在江南不用冀復官

不用冀領公家財物不用數者福均有說焉福雖非棟  
梁或可備榱櫨之任不支稟假當無行侵所不能已于  
言者實以謁選尚遠而人情以有事爲榮大府目色所  
及頓增光采藉此支吾或不致任公無托耳且夫天子  
巡狩一切清宮刻草之事凡有血氣者皆分所當爲而  
我皇上一遊一豫起廢錄舊恩施尤隆公當其間如  
山澤之通氣正須誘掖之鼓舞之有以大展乎羣策羣  
力尊君親上之心則士氣伸而天心亦喜不比平時  
課吏薦賢必爲之嚴覈而深稽也至於或賜一縑或資  
一級或就近召見或仍歸銓曹大抵臨期酌奏恩出  
上裁公亦不過相其勢而觀其便耳福敢一辦供張便

別。黜。長。官。冀。無。妄。之。福。而。強。公。以。難。行。之。事。哉。古。人。有。言。曰。盡。一。子。之。孝。何。如。盡。羣。子。之。孝。福。與。公。同。一。君。父。同。一。迎。繼。而。公。有。百。事。之。盡。福。無。一。事。之。盡。此。心。缺。然。故。乞。一。牒。以。自。効。亦。非。專。爲。阨。窮。已。也。仰。希。駁。示。不。宣。

或問雙名單稱古人有否曰見春秋傳踐土之盟曰晉重者重耳也曰衛武者叔武也此雙名單稱之証也白記

答某山人書

書來責僕不相見詞甚煩氣甚盛僕敢不覆一函以開  
足下孫子曰知彼知己記曰量而後入不入而後量足  
下知己而不知彼能入而不能量非所以測交也夫君  
子之道無他出與處而已出則有陶冶人才之任於天  
下人無所不當見處則安身藏用於天下人無所當見  
足下視僕出乎處乎苟能知之必能量之雖然處者亦  
未嘗無友也有長沮必有桀溺有張邠必有羊求論其  
徒大率處者流也處者多其足友者少僕故欲窺觀足  
下而遲遲乎晉接足下不解其意而迫之過矣然女欲  
自媒劍欲自鳴猶夫人也不意足下又舍其區區之文

墨而忽挾賢挾貴以臨之一夸門地再夸交游此正僕  
年來所亟亟避者持其所避者而招之則足下求友之  
術疎矣鄭康成曰回賜之徒不稱官閥魏李冲曰魯之  
三卿孰若四科友也者不可以有挾也僕少未嘗學問  
挂冠後稍知文章利病覺此道中有似是而非者有終  
身由之而不知其道者有借此街市游大人以成名者  
僕誠私心痛之發憤雪此弊俛焉日有孜孜嘗悅學時  
雖妻孥來猶厭奚况外客性又趨人之急求而不應彼  
貌未變我顏已慚胸中輒大不適因自念與其開門友  
近人孰若開卷友古人與其不副人望歛然病乎已孰  
若不使人望悠然樂其天古之人欲讀書先閉門誠不

得已也。士相見禮先之以介繼之以贊至鄭重也。此外則胥史農工召之而後至耳。戰國時乃有曳裾侯門者爲報恩揚名之說以戒紬袴之公子。今非其時也。朝廷清明賢者在上不肖者在下邦有道貧且賤焉恥也。君子不惡其窮而惡其所以窮。安得如書中憤懣語以悖教而傷化哉。僕自知不肖甘心入山山中產物惟白雲耳。甚無補於足下。慮足下方憎絕之不暇而忽以願見爲請。殊駭人意。然武陵漁人無心得津有心求之轉不可得。若足下一付以無心則僕見亦不可見。不見何足重輕。井蜂鳴鳩跂蹠蟲豸尚登山人之堂况足下世宦之家。文人自命者乎。明月清風開門則入閉。



門則去入而不喜去而不怒者何哉彼無所求故也今  
足下乃悻悻然以不見爲愠或者其有所求乎僕昨者  
雖相謝終不能決足下之果有他腸而預築堅城以待  
意嘿嘿頗自悔今接書畧見意旨乃竊喜前此之相謝  
果計老而謀得也藏已之拙養人之高何嘗不兩得耶  
要之雖不見如見雖見如不見請足下再擇之

再答某山人書

客歲以一函開足下謂足下讀其書將知其人矣不意  
猶未也足下前書文而不慙有叱叱氣當今士習姸阿  
得足下振之無所爲非第不宜施於僕耳僕惜足下藥  
甚良於病不合故以已之沉廢學問之難門第之不可  
以傲人與夫古今異宜之時勢惴惴敷奏期足下深思  
而善取之過後亦不復省矣乃來書慮僕故相暴張以  
將不利于足下似誤聽蜚語而測僕者過焉僕老矣覽  
書得古人姓名尚不省記何暇置足下于胸中而項項  
然慍哉且既已掃轍作野人矣又肯爲敗一足下之名  
而出山揖客哉僕與足下素無睚眦何所窮怒而必極

之於既往趙孟所不能貴趙孟又惡能賤之足下不信僕可也不自信何也昔昌黎答呂河東答杜二書俱存較僕奉酬者詞較嚴焉然二公卒未深絕之且殷殷然進之于道蓋前賢接後進理固宜然僕審已未必如韓柳而所以絕人者必欲過之使僕返而自思亦覺執德不宏爲可憂矣於足下何傷焉僕自恨無顯位盛名如孔北海一流可以嘯枯吹生使足下衍衍然心喜又不能滅聲跡若朱桃椎焦先輩使足下棄而忘之并不能如羊叔子使足下信其必不訖人此皆僕不修身之過也省書大慙無則加勉而已

代潘學士答雷翠庭祭酒書

前以一家言求教書來如發蒙且云由周公而上道統在上由孔孟以至程朱道統在下漢唐君臣無與焉是說也蒙不謂然夫道無統也若大路然堯舜禹湯孔子終身由之者也漢唐君臣履乎其中而時軼乎其外者也其餘則偶一至焉者也天不厭漢唐而享其郊祀孔子不厭漢唐而受其蒸嘗亦曰彼合乎道則以道歸之彼不合乎道則自棄乎道耳道固自在而未嘗絕也後儒沾沾于道外增一統字以爲今日在上明日在下交付若有形收藏若有物道甚公而忽私之道甚廣而忽狹之陋矣三代之時道統在上而未必不在下三代以

後道統在下而未必不在上。合乎道則人人可以得之。離乎道則人人可以失之。昔者秦燒詩書漢談黃老非有施槃伏生中公瑕邱之徒負經而藏則經不傳非有鄭元趙岐杜子春之屬瑣瑣箋釋則經雖傳不甚明千百年後雖有程朱奚能爲程朱生宋代賴諸儒說經都有成迹才能參已見成集解安得一切抹撥而謂孔孟之道直接程朱也。夫人之所得者大其所收者廣所得者狹其所棄者多以孔子視天下才如登泰山察邱陵耳然於子產晏嬰甯武子等無不稱許至孟子於管晏則薄之已甚此孟子之不如孔子也。孟子雖學孔子然于伯夷伊尹柳下惠均稱爲聖至朱子則詆三代下無

完人此朱子之不如孟子也。王通稱孔明能興禮樂邵伯溫作論駁之。康節怒曰：爾烏知孔明之不能興禮樂乎？此伯溫之不如邵子也。夫堯舜禹湯周孔之道所以可貴者，正以易知易行，不可須臾離故也。必如修真煉藥之說，以爲丹不易得，訣不易傳，鍾離而後惟有呂祖愈珍秘，愈矜嚴，則道愈病我。

皇上文集中不遠稱堯舜而屢舉漢文帝唐太宗者，亦以言漢唐則年代近而政事易于核實，言唐虞則年代遠而空言難以引據。先生來書尊皇上爲堯舜堯舜之言，先生又不以爲然，何也？書中斥陸王爲異端，亦似太過。周易曰：仁者見之謂之仁，智者見之謂之智。子曰：

仁者樂山智者樂水夫道一而已何以因所見而異因所樂而異哉然仁者之樂山固不指智者之樂水爲異端也顏淵問仁曰克復仲弓問仁曰敬恕樊遲問仁曰愛人隨其人各爲導引使生後世則仲弓必以顏淵爲異端顏淵又必以仲弓爲異端矣大抵古之人以行勝後之人以言勝以行勝者未之能行惟恐有聞不暇爭也以言勝者矜矜栩栩守一先生之言無所不爭也聖人知其如此故諄諄戒之曰先行其言曰訥于言敏於行曰君子無所爭宋儒之語錄皆言也所駁辨皆爭也非聖人意也士率生宋儒爭定之後宜集長戒短各抒心得不必助一家攻一家今有赴長安者或曰舟行或

曰。騎。行。其。主。人。之。心。不。過。皆。欲。至。長。安。耳。蒼。頭。僕。夫。各。尊。其。主。遂。至。戟。手。懷。詈。及。問。其。路。之。曲。折。而。皆。不。知。也。今。之。排。陸。王。者。皆。此。類。也。願。先。生。勿。似。之。也。